



## **BASES DO SERVIZO DE CAMPAMENTO URBANO DE VERÁN: NATURARTE VERÁN (NADOS/AS ENTRE O 1 DE XANEIRO DE 2016 E O 31 DE DECEMBRO DE 2019). Escola Municipal de Música Bernardo del Río**

**Artigo 1.** O servizo de CAMPAMENTO URBANO DE VERÁN: **NATURARTE VERÁN 2026** é un programa socioeducativo e lúdico de apoio á infancia, que ten entre os seus fins promover que os/as nenos/as poidan gozar de espazos seguros para o ocio e disfrute do tempo de lecer a través da posta en marcha de iniciativas medioambientais e ecolóxicas, históricas, artísticas e culturais e tamén de promoción de hábitos saudables, e de multideporte para o coñecemento e protección e promoción do patrimonio natural, artístico; cultural e histórico de Vilagarcía e a súa contorna así como o de favorecer e de conciliación das responsabilidades familiares, persoais e profesionais e que garanta a igualdade de oportunidades.

**Artigo 2.** Obxectivos. Os obxectivos do programa son:

- Desenvolver e reforzar os contidos educativos, a través dun programa de actividades, dentro do eido da educación non formal e aproveitando os periodos vacacionais dos/as menores, dun xeito lúdico.
- Facilitar un espazo de ocio orientado a favorecer o seu bienestar físico e emocional inculcando os valores de igualdade, cooperación, solidariedade
- Favorecer o coñecemento do patrimonio natural, histórico-artístico e cultural-lingüístico de Vilagarcía etc.
- Contribuir á canalización das inquietudes dos/as participantes no programa xerando procesos participativos grupais a través de distintas propostas de ocio saudable e participativo.
- Fomentar o coñecemento da biodiversidade e dos espazos naturais de Vilagarcía.
- Participar de forma activa na mobilidade pola cidade realizando os desprazamentos, para as actividades máis próximas, a pé favorecendo hábitos e estilos de vida saudables, así como fomentar a práctica deportiva con actividades de orientación no medio natural e multiaventura etc.,.



- Desenvolver unha conciencia crítica sobre os problemas medioambientais nos nenos e nenas favorecendo a sensibilidade cara o entorno natural.
- Promover hábitos cotiás como a redución de residuos, a reciclaxe e o aforro de recursos (auga, enerxía etc.)
- Fomentar aptitudes creativas e actividades innovadoras dos/as participantes na súa comunidade e na súa contorna a través de actividades que fomenten as cualidades artísticas, musicais, teatrais etc.,.
- Previr situacións de vulnerabilidade e exclusión social nos/as menores e contribuir á mellora das condicións de vida e sociais dos/as menores do noso contorno.
- Fortalecer a convivencia e o respecto mutuo e previr conductas de risco mediante a realización dunha ampla variedade de actividades.

### **Artigo 3. Destinatarios/as.**

1. O Campamento: Naturarte Verán 2026 está dirixido aos nenos e nenas nados entre o 1 de xaneiro de 2016 e o 31 de decembro de 2019, empadroados/as no Concello de Vilagarcía de Arousa, que formen parte dunha unidade familiar na que ambos proxenitores ou titores teñan unha actividade laboral ou participen nun proceso de formación regrado ou oficial, impartido dentro da formación para persoas desempregadas das distintas administracións públicas, no horario de desenvolvemento do servizo, acreditando esa circunstancia no prazo de presentación de instancias. No caso de nenos/as non empadroados, os/as pais, nais ou titores terán que demostrar o desempeño da súa actividade laboral no municipio de Vilagarcía de Arousa (ámbolos dous).

No suposto de separación, divorcio ou familias monoparentais atenderase a que este requisito se cumpra respecto do proxenitor que se atope a cargo do/a menor.

En ningún caso, poderán solicitar acceso ao servizo, as unidades familiares nas que un dos seus proxenitores estea en situación de excedencia por coidado do/a menor.

2. Enténdese por unidade familiar para os efectos deste programa:



- A) A formada polos cónxuxes ou relación análoga e os seus descendentes menores de 18 anos ou maiores de 18 anos cunha discapacidade igual ou superior ao 33%, que convivan habitualmente.
- B) Nos casos de separación legal, viuvez, familia monoparental ou unión de feito sen vínculo matrimonial, a formada polos respectivos titulares cos seus descendentes menores de 18 anos ou maiores de 18 anos cunha minusvalidez igual ou superior ao 33%, que convivan habitualmente.
- C) A formada polo/a posible beneficiario/a e os/as seus/súas acolledores/as de feito ou de dereito, que convivan habitualmente.
- D) A separación transitoria motivada por razóns de estudo, traballo, tratamento médico ou outras causas similares, non rompen a convivencia para estes efectos.

3. Enténdese por familia monoparental, a unidade familiar á que se refire o apartado 2 cando se forma parte dela unha única persoa proxenitora que non conviva con outra persoa con quen manteña unha relación análoga á conxugal e sempre que a outra proxenitora non contribúa economicamente ao seu sustento.

#### **Artigo 5. Lugar e Data.**

O Campamento urbano de verán: Naturarte Verán 2026, desenvolverase en días laborais, de luns a venres, comprendidos entre o 1 de xullo e o 14 de agosto de 2026, e en dúas aulas da Escola Municipal de Música *Bernardo del Río* e en espazos naturais da contorna de Vilagarcía.

#### **Artigo 6. Horario.**

O horario establecido será de 9.00 h a 14.00 h, establecendo un tempo de lecer e de merenda a media mañá. Haberá un período de entrada flexible de 9.00h a 09.30h e de saída de 13.30h a 14.00h.

#### **Artigo 7. Prazas.**

O número de prazas coas que conta o Campamento Urbano de Verán Naturarte Verán 2026 é de 50 prazas. No caso de haber máis solicitudes que prazas, se accederá ao servizo tendo en conta a orde da puntuación acadada na baremación.



Resérvase un 15% das prazas para aquelas unidades familiares, con historia aberta en servizos sociais, que trala valoración dos/as técnicos/as dos Servizos Sociais, dentro dos seus proxectos de intervención, se estime aconsellable a súa asistencia ao Programa.

Terán acceso directo ao servizo, as unidades familiares, nas que a nai se atope en situación de violencia de xénero.

## **Artigo 8. Solicitudes**

1. O prazo de presentación das solicitudes ábrese o día 13 de maio e remata 21 de maio de 2026.

2. As familias deberán presentar a Ficha de inscrición, Ficha de Matrícula e Autorizacións, que se facilitarán no Departamento de Xuventude, Servizos Sociais e na páxina web do Concello e na sede electrónica: [sede.vilagarcia.gal](http://sede.vilagarcia.gal)

A solicitude para poder participar nos campamentos deberá presentarse **completa e con toda a documentación**, preferiblemente de forma telemática, a través da sede electrónica: [sede.vilagarcia.gal](http://sede.vilagarcia.gal) (accedendo ao apartado: Catálogo de Procedementos: Categoría Xuventude). Tamén se pode presentar a solicitude presencialmente (utilizando o formulario normalizado dispoñible na sede electrónica do Concello ou facilitado nas dependencias da Concellería de Xuventude ou de Servizos Sociais), que unha vez cuberto deberá asinarse e presentalo, para o seu rexistro, no Rexistro Xeral do Concello de Vilagarcía de Arousa.

A documentación a presentar xunto coa Ficha de Inscrición, Matrícula e Autorizacións será a seguinte:

- Fotocopias do DNI dos proxenitores. Fotocopia do DNI do/a menor solicitante de campamento ou, no seu caso, copia da folla onde conste no libro de familia.
- Fotocopia do Libro de Familia completa.
- Fotocopia do Título de Familia numerosa, no seu caso.
- Documento xustificativo da situación laboral: declaración xurada da situación de ocupación (no que se inclúa o horario de traballo) de cada un dos proxenitores ou certificado de empresa co horario de traballo dos dous pais/nais ou titores/ras ou vida laboral. No caso dos/as autónomos/as, o último recibo de pago do seguro de autónomos e declaración xurada de



- horarios de traballo. (No caso de presentación de declaración xurada da situación de ocupación, o Concello poderá en calquera momento do proceso, pedir documentación acreditativa da situación activa da persoa que asina a devandita declaración).
- Documento xustificativo da participación dos pais/nais en procesos formativos para a integración laboral, no seu caso, e indicado período de duración e horario.
- Documento acreditativo da situación de familia monoparental: certificado de familia monoparental, fotocopia cotexada do libro de familia, do certificado de defunción, da demanda ou sentenza de separación ou divorcio, xunto co acordo regulador ou resolución judicial sobre as medidas paterno filiais.
- Certificado de recoñecemento minusvalía ou do grao e nivel de dependencia e un informe explicativo do tipo de discapacidade ou das características do/a menor, para os efectos da selección axeitada do persoal de apoio que vai necesitar.
- Certificado de recoñecemento minusvalía ou do grao e nivel de dependencia da /as persoas convivintes na unidade familiar.
- Documento acreditativo de situación de violencia de xénero emitido polo CIM municipal.

No caso da falta de presentación dalgún documento dos solicitados, dentro dos límites do prazo, este requirirase por medios electrónicos: correo electrónico ou taboleiro da sede electrónica.

Os/as solicitantes poderán solicitar todo o período vacacional, un mes, ou unha ou varias quincenas.

**Quincenas:**

Do 1 ao 15 de xullo de 2026

Do 16 ao 31 de xullo de 2026

Do 1 ao 14 de agosto de 2026

**En todo caso, esta solicitude non estará suxeita a cambios posteriores unha vez rematado o prazo de presentación da solicitude.**



**A presentación da solicitude implica a aceptación das normas do procedemento contidas nestas bases.**

A duplicidade dunha solicitude dará lugar á non admisión de ambas, polo que o/a solicitante quedará fóra do proceso.

#### **Artigo 9. Proceso de Selección:**

O proceso de selección será o seguinte:

- A Comisión de Baremación será o órgano encargado de realizar a lista de admitidos/as e a de espera, unha vez baremadas as solicitudes polo Concello, conforme ao baremo establecido nestas Bases.
- Publicación dunha lista provisional de admitidos/as coas puntuacións acadadas o 9 de xuño no taboleiro de anuncios do Concello, do departamento de Xuventude, Servizos Sociais, na sede e na páxina web do Concello e na sede electrónica.
- Prazo de presentación de **subsanación de documentación** e reclamacións no Rexistro Xeral do Concello ata **10 días hábiles** contados a partir da publicación da lista provisional.
- **Publicación de lista definitiva de admitidos/as o día 25 de xuño** no taboleiro de anuncios do Concello, do departamento de Servizos Sociais e Xuventude e na páxina web do Concello e na sede electrónica.

#### **Artigo 10. Listaxe de agarda.**

Publicada a lista definitiva dos/das admitidos/as confeccionarase unha lista de agarda cos/as solicitantes excluídos/as, que seguirá a orde que resulte da baremación.

En función das baixas que se produzan na actividade os/as nenos/as entrarán no servizo seguindo a orde na que figuren na lista de agarda. Realizaranse tres chamadas entre as 9.00 h e as 14.00 h, que quedaran rexistradas para a súa constancia. De non contactar coa persoa interesada, esta será dada de baixa e chamarase á seguinte na lista de espera.

#### **Artigo 11. Comisión de Baremación.**

A Comisión de Baremación estará composta por:

Concelleiro delegado/a de Xuventude e Concelleira delegada de Servizos Sociais, Técnica e Xestora Sociocultural de Servizos Sociais e Xuventude respectivamente.



## **Artigo 12. Causas de baixa.**

A baixa no servizo de Campamentos de Verán poderá producirse por algunha destas causas:

- A solicitude dos pais, nais, titores ou representantes legais de ser baixa no servizo.
- Superar a idade regulamentaria para o acceso ao servizo.
- Incumprimento reiterado das normas establecidas no funcionamento do servizo.
- Negativa dos pais, nais, titores ou representantes legais a aboar a tarifa aplicable pola prestación do servizo.
- Non asistencia ao servizo sen causa xustificada de tres días durante unha quincena.

## **Artigo 13. Faltas ao servizo**

Será considerada falta ao servizo a non asistencia.

Considerarase causa xustificada aquelas faltas que, aportando a documentación correspondente, fosen motivadas:

- Saúde: enfermidade ou asistencia a consultas ou tratamentos médicos/especialistas.
- Laborais: modificación de turnos de traballo/ formación dos pais, nais, titores ou representantes legais.
- Cumprimento de medidas paterno filiais segundo acordo regulador ou resolución xudicial.

O resto de faltas na asistencia ao servizo serán consideradas faltas sen xustificar, cun máximo de tres faltas durante unha quincena.

## **Artigo 14. Dereitos e Obrigas dos usuarios.**

a). Dereitos dos usuarios:



- 1- Bo trato, por parte do persoal do servizo e dos demais usuarios/as.
- 2- A confidencialidade sobre os seus datos sanitarios, económicos e sociofamiliares.
- 3- Proporcionarlle a atención socioeducativa precisa para o seu desenvolvemento integral.
- 4- Favorecer a súa participación nas actividades do servizo.

b) Obrigas dos usuarios:

- 1- Cumprir as normas establecidas para o bo funcionamento do servizo, indicadas no Anexo II destas bases.
- 2- Manter unha actitude de respecto e consideración co persoal e cos demais usuarios.

**Artigo 15. Cota.**

Gratuíta.

**Artigo 16. Seguemento e Avaliación.**

O seguemento do servizo realizarase mediante informes mensuais e a comunicación e coordinación co persoal e cos/as usuarios/as do servizo, establecéndose unha avaliación continua do mesmo que deberá reflexarse nunha memoria final.

## **ANEXO I**

### **BAREMO**

**Situación sociofamiliar e ocupacional:**

- 1- Por cada membro da unidade convivencial: 1 punto.
- 2- Pola existencia de dous ou máis irmáns que necesiten o programa: 1 punto.
- 3- Pola condición de familia numerosa: 2 puntos.
- 4- Pola condición de familia monoparental: 5 puntos.
- 5- Unidades convivenciais nas que figuren persoas dependentes, enfermas ou con discapacidade: 2 puntos.



### **Situación económica:**

- 1- En base á Renta per Cápita (RPC) mensual da unidade familiar referida ao indicador público de renda de efectos múltiples (IPREM) vixente (ingresos do ano 2024):
  - a. Inferior ao 25% do IPREM: 4 puntos.
  - b. Entre o 25% e o 50% do IPREM: 3 puntos.
  - c. Superior ao 50% e inferior ao 80% do IPREM: 2 puntos.
  - d. Entre o 80% e o 100% do IPREM: 1 punto.
  - e. Superior ao 100% e inferior ao 125% do IPREM: -1 punto.
  - f. Entre o 125% e o 150% do IPREM: -2 puntos.
  - g. Superior ao 150% e inferior ao 200% do IPREM: -3 puntos.
  - h. Igual ou superior ao 200% do IPREM: -4 puntos.
- 2- Os ingresos da Unidade Familiar a ter en conta para o cálculo da RPC o constituirá a suma da base imponible xeral e a base imponible de aforro do Imposto sobre a Renda de Persoas Físicas. No caso de persoas non obrigadas a declarar, as bases imposables obteranse dos datos que aporten os certificados da A.E.A.T (ano 2024)
- 3.- **En caso de empate, priorizarase o/a neno/a de menor idade.**
- 4.- **En calquera caso queda facultada a Comisión de Baremación a solicitar aclaracións e documentación complementaria á solicitude para resolver dúbidas relacionadas con esta.**

## **ANEXO II**

### **Normas para o bo funcionamento do programa de CAMPAMENTO URBANO DE VERÁN: NATURARTE VERÁN 2026.**

- 1- Ao inicio do servizo os pais/nais titores/ras ou responsables legais deberán cubrir unha ficha de matrícula facilitando un teléfono de contacto para o persoal do centro durante a prestación do servizo. Así mesmo, deberán asinar as autorizacións para: asistencia ás actividades do servizo, trasladar ao neno/a en caso de emerxencia ou recollida do/a mesmo/a por parte doutra persoa autorizada polos pais/nais do/a neno/a.
- 2- Os/as nenos /as deberán asistir ao servizo en condicións de hixiene axeitadas.



- 3- No caso de o/a neno/a estea enfermo/a, teña febre, diarrea ou vómitos deberán deixalo/a na casa ata a completa curación.
- 4- Os/as nenas deberán cumprlr o horario acordado co servizo. En caso de variación deberá ser comunicado ao servizo.
- 5- En caso de non asistencia ao servizo, deberá ser comunicada e xustificada atendendo ao indicado nos artigos 12 e 13 das bases do servizo.
- 6- Os alimentos para a merenda serán aportados polas familias, seguindo unha dieta saudable e equilibrada para os nenos/as.
- 7- En todo momento, primará o bo trato, o respecto e a comunicación axeitada entre as familias, os/as nenos/as, e os/as técnicos/as do servizo.

#### **Dereitos dos/as usuarios/as:**

- Acceder ó servizo sen discriminación por razón de nacionalidade, sexo, raza, relixión, ideoloxía ou calquera outra condición ou circunstancia persoal ou social.
- Bo trato, por parte do persoal do servizo e dos/as demais usuarios/as.
- A confidencialidade sobre os seus datos sanitarios, económicos e sociofamiliares.
- Proporcionarlle a atención socioeducativa precisa para o seu desenvolvemento integral.
- Favorecer a súa participación nas actividades do servizo.

#### **Obrigas dos/as usuarios/as:**

- Cumprir as normas establecidas para o bo funcionamento do servizo, indicadas no Anexo III destas bases.
- Cumprir rigorosamente os horarios de entrada e saída.
- Manter unha actitude de respecto e consideración co persoal e cos demais usuarios.

#### **Faltas ao servizo**

Será considerada falta a non asistencia ao campamento.

Considerarase causa xustificada aquelas faltas que, aportando a documentación correspondente, fosen motivadas:



- Saúde: enfermidade ou asistencia a consultas ou tratamentos médicos/especialistas.
- Laborais: modificación de turnos de traballo/ formación dos pais, nais, titores ou representantes legais.
- Cumprimento de medidas paterno filiais segundo acordo regulador ou resolución xudicial.

O resto de faltas da asistencia ao servizo serán consideradas faltas sen xustificar, cun máximo de tres faltas sen xustificar na quincena.

### **Causas de baixa.**

A baixa no Programa de Campamento Urbano de Verán: Naturarte Verán 2026, poderá producirse por algunha destas causas:

- a solicitude dos pais, nais, titores ou representantes legais de ser baixa no campamento
- superar ou non ter a idade regulamentaria para o acceso ao campamento (non cumprir coa idade requirida para participar no campamento establecida nas presentes bases que rexen o proceso de acceso ao mesmo).
- incumprimento reiterado das normas establecidas no funcionamento do servizo.
- non asistencia ao campamento sen causa xustificada durante tres días nunha quincena.

## **ANEXO III**

### **Equipamento persoal necesario**

Os/as rapaces/as que participen no campamento (Naturarte Verán 2026) deberán levar, ademáis do equipamento que se indique para algunha actividade concreta, o seguinte:

- Roupa axeitada para o desenvolvemento das actividades (preferiblemente roupa de algodón, con uso e cómoda) e tendo en conta as condicións metereolóxicas de cada xornada.
- Calzado forte e cómodo.
- Sombreiro ou gorra.



- Protector solar (factor moi alto) botado na casa antes de comenar o campamento e levar consigo un bote pequeno para aplicar no campamento (factor moi alto).
- Pequena mochila para portar auga e un almorzo saudable (bocadillo, sándwich, froita...).
- Recomendase levar gafas de sol.